

靈寶領教濟度金書卷之三十三

罪六

靈寶領教濟度金書卷之三十三

罪六

洞微高士開光救苦真人審全真授

靈寶通玄弘教水南先生林靈真編

科儀立成品

開度
通用

破獄儀

靜默堂序立

華夏讚引至大道前長跪啓白

具位臣某誠惶誠恐稽首頓首再拜上言臣

聞三籙垂文清微啓度生之典九幽闡教赤

明昭起死之科敷曠蕩之宸恩溥便蕃之帝

化既勤故命敢後陳情伏念臣草莽微生塵
泥賤品奉天符而領教肯忘皎日之明開地
禁以升神盍布慈雲之澤今有齋主某崇建
某齋開度亡故某普及幽明寃親平等深念
羅艷六洞泉曲九幽悽悽之鐵壁周迴慘慘

罪六

之銅關峻極千生拘繫萬劫昏冥非憑智慧
之靈光曷使開幽而破暗非賴威神之策杖
曷令毀鎖以張門庸露懇祈密依感應許承
光而下映更頒杖以前行容臣準勅召神依
科破獄庶拯有情之苦趣均超無極之神鄉

千冒神嚴不勝戰慄之至

天尊慧日 煥映重泉 光明幽夜 三景同輪

垂光耀彩 燦朗重昏 玉毫宛轉 金輝回旋

下燭幽關 斷滅冤烟 哀哉泉曲 萬劫沉淪

靈光一照 地獄開明 冰清春浦 暖散寒庭

臣今上請 願賜生成 願假慧光 照破酆城

鐵圍煥映 劔樹摧傾 普度尸鬼 永離幽冥

法師以符燭就天尊前點分光畢執

之運誠如儀

天尊獅座御玄關 圓象華芒照鬱單

白玉流虹騰晝景
紫金映日耀朝暎

光舒九壘幽囚釋
彩煥三途考對閑

願假靈輝開地暗
乘晨鼓舞覲天顏

和不可思議功德

法師以符燭付侍燈執立于左

甲六

天尊神化
應感無方
慈悲法灑
湛惠寒鄉

鐵圍石壁
業網羅張
千遮萬鎖
幽閉無光

威神策杖
開廓八方
隨杖所指
獄戶飛揚

刀山劔樹
飄戟鋒傷
冥官稟令
炎烈清涼

臣今上請
願賜扶將
願假威力
照破羅酆

名除罪錄 昇陟天陽 永辭長夜 億劫無疆

法師就天尊請策杖執之運神如儀

天尊妙慧顯玄功 无量威神冠八雄

幡列三層飛縹緲 杖回九曲耀玲瓏

幽扃指處塵塵散 寒夜消摧業業空

願假杖威開地戶 超凌碧落萬天中

法師以杖付侍香執于右

神輝鬱勃靈杖威稜上 辭龍尾之墀下啓虎

頭之戶皈依帝力負荷天恩更願嚴攝北

關開東極降吉祥之甘露敷慈惠之靈光流

潤九泉開明五道俾闢超生之徑永乘不死
之舟稽首皈依無極大道

華夏贊引符燭策杖前行導法師至

太一前上香

志心皈依奏請東極天中長樂宮內大慈仁

罪六

者太一尋聲救苦天尊青玄上帝

三

具位臣某恭懇寶香虔誠上啓九幽慈父三

界導師救苦天尊青玄上帝仰希應感俯賜

證明臣聞碧落空歌耀七寶騫林之景紫虛

鬱秀儼九光蓮座之尊威神救拔於衆生慈

憫周流於十界音容快覩消累劫之沉愆名
號遙聞洗多生之業垢巍巍聖化切切愚情
以今奉爲齋主某崇建某齋開度亡故某人
普及幽冥冤親平等慮沈寥鬼域幽幽曼隔
於晨陽眇莽神庭寂寂常居於夜暗銅關萬
仞鐵壁千尋欲祈罪性之超凌豈賴天威之
震蕩觀清微而請命已領神恩企長樂以皈
心更祈慧力恭願尋聲赴感應念垂慈一一
獄中示紫金之妙相塵塵刹內灑空青之羽
枝闔慶雲於生門塞祥烟於死戶提携萬類

鼓舞群靈臣不勝激切之至

華夏贊引符燭策杖法師至獄燈前
衆念呪旋遶點燈

九幽冥冥 萬劫無光 長夜幽冤 元始未通

華燈續明 下照土皇 開度七玄 上升南宮

洞照一宅 世爲仙王

灑淨 焚降真召靈符

具位臣某謹焚寶香虔誠奏啓

太上無極大道虛無自然元始天尊妙无上
帝虛皇玉晨大道君妙有上帝萬變混沌玄

元炁君至真大帝太乙救苦天尊運明保元
上帝十方分身應化救苦天尊九幽拔罪天
尊廣度沉淪天尊无上至真諸天上帝三元
三官大帝靈寶五師真君天曹諸司真君五
嶽五天聖帝北陰玄天酆都大帝東霞扶桑

罪六

四

丹赫大帝虛空鑒察城隍社令三界應感一
切威靈臣聞五炁混芒祖炁運无形之表三
才剖判神功開有物之先稟精粹以爲人妙
陰陽而度命真源湛湛去來不離於靈關正
性昭昭生化豈離於聖域自六塵之風動致

五賊之雲滋道貌天形觸迷途而顛倒波情
海慾若覺地以漂流三田散落於金華四大
彫殘於三樹沉沉夜壑鬼神思報對之權悄
悄寒庭冤鬼受推研之苦陽光不覩陰暗難
堪是以上帝興憐師真曲憫金籙示然燈之
式玉符昭破獄之文普駕慈航濟三途而離
苦密凝法炬燭九夜以開光俾悟天常可超
地禁今有齋主某崇建某齋開度亡故某人
普及幽冥冤親平等深慮十方苦癸九壘囚
徒鐵堞深圍慘陰風於萬雉銅城密障屯暗

霧於千重非賴仁恩曷超靈識伏望俯矜丹
悃曲運洪慈神光散九地之輝幽途罷對靈
杖頒三天之令陰魄凌空容微臣如律以宣
行勅冥吏承符而敬聽敷心激切俟命勤渠
臣不勝望恩之至

九幽拔罪天尊

焚開陰曹符

上清靈寶玄壇謹焚香虔誠供養三官九府
百二十曹主者北都羅酆泉曲之府主者萬
神東方風雷地獄主者南方火翳地獄主者

西方金剛地獄主者北方溟泠地獄主者東
北鑊湯地獄主者東南銅柱地獄主者西南
屠割地獄主者西北火車地獄主者中央普
掠地獄主者北陰一十八大地獄主者二十
四大地獄主者三十六大地獄主者八十一
大地獄主者三塗五苦八難幽關地獄主者
五嶽四瀆城隍社令五道大神溟泠大神地
道功曹冥關幽路一切神靈伏聞乾坤定位
尊卑分天地之形經緯運行幽顯示陰陽之
象碧落儼仙聖之宅黃泉號鬼神之鄉惟人

最靈以道惟大自業山之雲湧致定水之波
翻三惑傷神莫超凌於溟滓七情障性遂沉
滯於幽寥驚心十習之勾連轉眼六因之結
縛羅鄩會府提憲網以高張泉曲都曹考罪
緣而按御九壘定九幽之號三途彰三惡之

名水火陰陽雖稟雪霜之威令生死善惡亦
霧雨露之恩光是以丹闕垂慈青宮降祉鳳
篆羅敷而破獄龍章赫奕以然燈照耀昏途
俾乘晨而璀璨提携寒境庶騰景以逍遙早
悟慧源疾登道岸今有齋主某崇建某齋開

度亡故其普及幽冥寬親平等深慮幽關苦
爽夜域囚徒皈命宸嚴已拜祥烟之垂惠敷
心聖造更新化日之昭宣諒體彌綸聿寬律
令伏願雲天廣覆水鏡無私冰浦炎池悉化
蓮華之界刀山劔樹盡成騫木之林普十極
以仙飛妙八紘而受度拳拳素禱切切丹衷
其不勝虔禱之至

罪六

六

九幽拔罪天尊

上清靈寶玄壇炷香關召王清破獄符吏青
玄破獄靈官入獄赦罪靈官破獄主吏破獄

飛吏破獄驛吏合龍飛符驛吏持符神吏諒
遵帝敕克赴齋壇願領金符下摧鐵壘開關
啓路毀鎖張門應北都羅酆河源泉曲三官
九府無極神鄉六洞十宮九幽地獄久禁近
囚新寬舊爽疾行踈放俾獲逍遙來覲玄壇
升神道境玉清有勅拒遏無原破獄真符謹
當告下

宣玉清破獄符

青玄破獄符

元君破獄符

關發

衆誦救苦經一遍

高功運念如儀

宣十天化符

焚毀鎖張門符

九幽拔罪天尊

旋行至東方

九幽之東震宮幽冥之地有風雷獄飛戈飄
戟衝突罪人今有齋主某崇建某齋開度亡

罪六

七

故某人溥及幽冥冤親平等依按靈寶科格
然點九獄神燈皈依清微應化東方救苦玉
寶皇上天尊願運威神下破震獄靈光璀璨
頓消迅烈之威道炁彌羅咸悟本真之性六
通具足萬業消除企碧落以遊神登青華而

飛步仗茲功德回薦亡靈清衆運誠皈依讚
詠

仰啓東方主 玉寶皇上尊 願臨風雷獄

拔度九幽鬼和往生神仙界

宣東方破獄符

東方幽獄號風雷 赫奕威權照九垓

黑業續紛迷妄識 紅塵繚繞鎖陰霾

鳳凰詔下宸恩溥 犴狴庭空帝澤回

祖炁真光齊接引 華林境界任徘徊

九幽拔罪天尊 旋行至南方

九幽之南離宮幽陰之地有火翳獄吞火食
炭囚禁罪人今有齋主某崇建某齋開度亡
故某人溥及幽冥冤親平等依按靈寶科格
然點九獄神燈皈依清微應化南方救苦玄
真萬福天尊願運威神下破離獄祥烟鬱勃
頓消烈火之炎炎惠露沾濡普耀靈光而爽
爽惡根落滅債訟消平升丹壑以陶形詣朱
陵而受化仗茲功德回薦亡靈清衆運誠皈
依讚詠

仰啓南方主 玄真萬福尊 願臨火翳獄

拔度九幽冤和往生神仙界

宣南方破獄符

南方火翳奮炎威

職領天章握化機

神昧陽清宵雨暝

形淪陰濁晚雲迷

清微澤浹頌芝檢

黑樹影恩流觀藁墀

罪六

祖炁真光齊接引

梵王境界任仙飛

九幽拔罪天尊

旋行至西方

九幽之西兌宮幽夜之地有金剛獄金鎚鐵杖訊考罪人今有齋主某崇建某齋開度亡故某人溥及幽冥冤親平等依按靈寶科格

然點九獄神燈皈依清微應化西方救苦太
妙至極天尊願運威神下破兌獄德風披拂
冰消痛苦之緣慧日流明頓復虛靈之性千
冤解悟萬罪清夷企太素以凝神登崑丘而
宴景仗茲功德回薦亡靈清衆運誠皈依讚

詠

仰啓西方主 太妙至極尊 願臨金剛獄
拔度九幽冤和往生神仙界

宣西方破獄符

西方幽獄號金剛 威烈玄曹領兌方

搖曳天寬趨業園 沉淪地鬼墮冥鄉

青華玉敕提圓幅 紫極金符耀混黃

祖炁真光齊接引 福堂境界任翱翔

九幽拔罪天尊 旋行至北方

九幽之北坎宮幽艷之地有溟泠獄冰戟霜

罪六

九

刃擊刺罪人今有齋主其崇建其齋開度亡
故其人溥及幽冥冤親平等依按靈寶科格
然點九獄神燈皈依清微應化北方救苦玄
上玉晨天尊願運威神下破坎獄慶雲濛藹
頓消凜烈之威法雨周流廓陽和之境罪

根斷滅尸穢沉淪辭北府以升真上南宮而
受度仗茲功德回薦亡靈清衆運誠皈依讚

詠

仰啓北方主 玄上玉晨尊 願臨冥泠獄
拔度九幽鬼和往生神仙界

宣北方破獄符

北方幽獄號冥泠 萬雉周迴鎮坎城

心逐陰溟虧暖律 神辭陽耀墮寒冰

丹綸曉映金雞喚 玄簡宵隨玉兔升

祖炁真光齊接引 鬱單境界任騰凌

九幽拔罪天尊

旋行至東北方

九幽東北良宮幽都之地有鑊湯獄毒波炎
火瀆糞罪人今有齋主某崇建某齋開度亡
故某人溥及幽冥冤親平等依按靈寶科格
然點九獄神燈皈依清微應化東北方度仙

上聖天尊願運威神下破良獄慈光灌沐均
超不死之鄉梵炁經行悉化長春之境八門
度命五道停輪辭黑壤以升神紀蒼元而定
錄仗茲功德回薦亡靈清衆運誠皈依讚詠
仰啓東北主 度仙上聖尊 願臨鑊湯獄

拔度九幽魂和往生神仙界

宣東北方破獄符

幽關東北鑊湯牢 帝網恢張重憲曹

步武生來慈雨灑 精神死去業風號

六衢煥紫蠲悲惱 地禁回黃赦繹騷

罪六

十

祖炁真光齊接引 妙嚴境界任逍遙

九幽拔罪天尊 旅行至東南方

九幽東南巽宮幽治之地有銅柱獄手抱足

登炮炙罪人今有齋主某崇建某齋開度亡

故某人溥及幽冥冤親平等依按靈寶科格

然點九獄神燈皈依清微應化東南方救苦
好生度命天尊願運威神下破巽獄晨風鼓
舞悉除熱惱之威神景清明永絕攀懸之苦
三途罷對六度回靈超北鬱以升神詣南丹
而高步仗茲功德回薦亡靈清衆運誠皈依

讚詠

仰啓東南主 好生度命尊 願臨銅柱獄
拔度九幽魂和往生神仙界

宣東南方破獄符

東南銅柱巽維中

權領威神勢望崇

正路爲迷神吏奮 邪塗棘合鬼官雄

翩翻甘露輝丹鳳 浩蕩慈風舞玉龍

祖炁真光齊接引 碧霞境界任西東

九幽拔罪天尊 旋行至西南方

九幽西南坤宮幽關之地有屠割獄鋒芒利

罪六

十一

刃割切罪人今有齋主某崇建某齋開度亡

故某人溥及幽冥冤親平等依按靈寶科格

然點九獄神燈皈依清微應化西南方救苦

太靈虛皇天尊願運威神下破坤獄陽光赫

奕頓消劔戟之威真性圓明早悟虛无之妙

善根自復業障本空登瑤圃以棲神詣金華
而定籍仗茲功德回薦亡靈清衆還誠皈依
讚詠

仰啓西南主 太靈虛皇尊 願臨屠割獄
拔度九幽魂和往生神仙界

宣西南方破獄符

西南屠割位陰 赫奕威權耀海寰
業網千尋辭世牖 冤機萬仞卧冥關
天心化合玄符命 地性恩承紫詔頒
祖炁真光齊接引 耀真境界任盤桓

九幽拔罪天尊

旋行至西北方

九幽西北乾宮幽府之地有火車獄火輪風
刀燒剖罪人今有齋主某崇建某齋開度亡
故某人溥及幽宜冤親平等依按靈寶科格
然點九獄神燈返依清微應化西北方救苦
无量太華天尊願運威神下破乾獄天光照
耀頓消苦惱之威聖澤涵濡獲覩陽明之勝
生根返復死炁頓摧離苦岸以升神凌蒼穹
而穩步仗茲功德回薦亡靈清衆運誠皈依

讚詠

西火主

天尊

靈寶

科格

仰啓西北主 无量太華尊 願臨火車獄

拔度九幽魂和往生神仙界

宣西北方破獄符

火書幽府領刑書 權峻乾維煥八區

止水波翻迷覺海 紫山雲擁趣冥都

罪六

十二

符飛陽曜天恩溥 救拯陰靈地禁踈

祖炁真光齊接引 延賢境界任歡呼

九幽拔罪天尊

旋行至燈前面中立

九幽之中土皇幽獄之地有普掠獄刀山劍

樹驅逐罪人今有齋主某崇建某齋開度亡
故某人溥及幽冥冤親平等依按靈寶科格
然點九獄神燈皈依清微應化上方救苦玉
虛明皇天尊願運威神下照中獄慈雲覆被
頓消攀踐之威化雨霖零獲詣升騰之路陽
輝洞朗陰夜煥明辭黃壤以飛神詣玄壇而
受記仗茲功德回薦亡靈清衆運誠皈依讚
詠

仰啓上方主 玉虛明皇尊 願臨普掠獄
拔度九幽魂和往生神仙界

宣中央破獄符

上方普掠總天機 中御羅酆鎮八維

方域冤愆歸掌握 圜扉憲令藉扶持

鸞臺頒詔雷霆迅 鴛陞承符雨露垂

祖炁真光齊接引 紫霄境界任歡嬉

罪六

十三

九幽拔罪天尊

旋行至衆獄

九幽之外北都羅酆之境有二十四獄三十
六獄隨方顯化考繫攸司難盡名攝無有窮
際世人造罪散落其中今有齋主某崇建某
齋開度亡故某人溥及幽冥冤親平等恭按

靈寶科格皈依清微應化下方救苦真皇洞
神天尊願運威神下破衆獄祥風扇惠悉除
訊鞫之威祖炁返元永復清明之性一真呈
露衆罪消鎔朝金闕以受書登玉清而御景
仗茲功德回薦亡靈清衆運誠皈依讚詠

宣破諸獄符

下方諸獄列神鄉

校錄霜明定否臧

燮理陰陽思帝憲

裁成經緯握天章

三天煥耀金圖啓

九地超凌玉簡彰

祖炁真光齊接引

水蓮境界任翱翔

次法師執水盂自念化形呪

吾師天中救苦尊
常善化形十方界

以此威神興大慈
濟彼衆生無量苦

九夜重昏幽暗府
普令廓照生光顯

牛頭獄卒盡升仙
萬苦沉魂俱解

三途五苦諸囚繫
考對停聞上紫清

見聞有識及有情
感此皆成無上道

次法師自懷中取出天尊破酆都符

司回光符散燒獄中衆官遶獄灑水

念玉清破酆都呪三遍

茫茫艷都中

重重金剛山

靈寶無量光

洞照炎池煩

亡者承光明

朝禮玄元壇

生神超碧漢

童子導靈幡

向來然燈懺獄功德周圓伏願天恩下濟地
爽上升身化金剛自識通於宿命目瞻玉相

罪六

十四

各悔悟於前愆永超幽暗之鄉徑上光明之
境春回陰域陽復寒庭冥官共進於仙階鬼
趣咸登於道岸亡故某乘茲妙果了悟真機
會萬善以俱融蕩一塵而不染形神俱妙衣
食自然福被群生恩沾庶類為如上良緣念

會良公 超凌仙界天尊引法師詣元始前納

策杖 法師再拜上香

小北臣某誠惶誠恐稽首頓首再拜上言 臣

聞上帝溥好生之德思洽三靈下民昧趨死
之機神沉九壘已藉提携之造重殫激切之

忱臣向來奉為齋主某依律修齋然燈破獄
請威神之策杖開鬱絕之幽關獄吏承符冥
曹稟令茫茫夜壑苦魂快樂以仙飛寂寂寒
庭罪爽逍遙而神舉豈臣愚昧能致感通實
帝慈悲獲令化育佩如天之厚惠慚無地以

酌恩謝語期期德心切切祈有元請到策杖
恭對道前特伸奏納仰祈睿鑒俯賜允俞于
冒天威臣不勝俯伏戰兢之至謹再拜稱謝
以聞

贊引歸靜默堂

罪六

十五

靈寶領教濟度金書卷之三十三



